

紅羊失聞

卷之三



紅 羊 佚 聞

紅羊佚聞總目

序文

題詞

卷上

戰血餘腥錄

卷中

天京秘錄

卷下

從軍速記

附刊

金陵癸甲新樂府

總目

紅羊佚聞卷下

從軍速記

鄧亞魯

海虞嵇問耕先生遺著
同里後學徐枕亞校字

鄧亞魯者。粵西武宣人也。有殊力。家貧。常爲人傭。食量兼人。所得傭資。每苦不給。咸豐元年二月。洪軍由桂平趨武宣。攻據東嶺村。城中戒嚴。當時守兵不滿千人。遂招募壯丁。以厚城守。亞魯時在城中。往應募。乃因權禮如乞丐。被斥逐。時有候補知府張敬脩。管帶東勇二百名來援。駐師北城外之關帝廟。亦以兵力單薄。就地添募。亞魯復往應募。門者叱之曰。今者添募勇士。非乞丐食之所。盍速去。亞魯乃自炫其勇力。央懇再四。自辰至於日昃。終不得通。憤甚。覲門首有石獅二。遂手各一獅奮擲數十步之遠。揚長而逝。斯時也。適有戎幕某自內出。見其狀大異之。立飭門者追之。使回。導入內。見張守。奇其狀。幷知其有勇力。擢爲隊長。時署粵西巡撫周天爵親督師援武宣。洪軍乘夜抄襲。閩勇管帶吳貽書陣亡。都司譚紹良鄭魁士皆受重傷。周署撫被圍不得脫。張守聞警。遂會合城守之兵。同往救援。亞魯以銅錢結成之半臂披於身上。左執長矛。右握朴刀。率死士四人大呼陷陣往來。衝突電閃。颼颼斬獲不少。時洪軍主將韋大孫立馬陣中。指麾鏖戰。亞魯顧其從卒曰。擒賊須擒王。今日正我輩立功時也。遂馳入陣中。韋見亞魯等僅四五人。殊不在意。既近。遂以大刀砍亞魯適中銅錢所結之半臂。鏗然有

卷下 從軍速記

二

聲而亞魯之長矛已刺入韋之胸部。矛鋒自背後透出。復用力向上一擡。韋之屍身挑起丈餘。洪軍見之皆大駭。狂呼散走。東軍及城守之軍俱乘勢奮進。周撫之軍亦自內突出。洪軍大潰。委棄輜重。及擄獲之婦女無算。兵士正在追逐之時。一見婦女遂欲大肆淫污。亞魯見之大不忍。馳白張守索取周撫令箭。馳往禁止。諸婦女始得免污辱。周撫見亞魯之勇敢。欲羅而致之。麾下辭曰。亞魯一武宣之長傭耳。不遇張公何以有今日。亞魯受張公知遇之恩。不願捨去。周撫曰。我嘉汝勇敢。欲令汝獨當一面。耳。亞魯曰。果蒙大帥栽培。惟須仍隸張公屬下。始可應命。周撫嘆曰。真義士也。乃奏署綏寧營把總。改名鄧貴。夏四月。洪軍自武宣東鄉入象州之中坪。據之。張守奉檄命援亞魯。率兵士百人乘夜突入中坪。焚其營壘。復大呼奮斫。洪軍驚潰。遂大勝之。張守以功陞署右江道。亞魯亦實授綏寧把總。八月。洪軍攻入永安州。知州及副將皆死之。張道會同貴州鎮秦定三都統烏蘭泰圍攻永安。相持頗久。二年二月十六日。永安之洪軍乘夜焚燬廨署民房。啓城突出。城外之圍軍大潰。張道屢瀕於危。亞魯以身翼蔽之。始得脫。而亞魯以頭額受槍彈傷。遂殞焉。時年二十有三歲。

袁慧姑

道光三十年冬。金田事起。桂平縣屬之牛排嶺。有武孝廉李祥麟。因地近金田。欲圖自衛。遂選集丁壯。設立團練。據險自守。嶺在桂平南界之大黃江口。面水背山。形勢天然。足以固守。惟團丁均係臨時招集之鄉民。各有散心。莫有鬪志。且器械不足。備禦不完。咸豐元年二月初五夜。洪軍大至。守隘之團丁皆驚駭四潰。李孝廉見事急。率

其四子及莊丁數人奮勇奪路。思欲衝出隘口。洪軍開砲轟擊。孝廉及長子被傷。殞命。餘衆仍折回。洪軍既入牛排嶺。知孝廉爲鄉團首領。目爲妖頭。遂圍其宅焚而殲之。孝廉有一族姪某。先一日出外購買糧食。未與禍及聞變。遁入鄰近新墟。匿於親戚袁姓家。時道路喧傳。李孝廉全家被難。某卽據以告袁。袁翁名貴。曾任江南泰州營遊擊。是時致仕家居。有二子一女。二子均入武庠。女名慧姑。時年十九歲。自幼卽許字李孝廉之幼子。性極聰慧。才智過人。墟中人都以女諸葛目之。當時聞李孝廉閨宅慘斃。卽閉戶自縊。幸爲婢女覺察。解救得免。袁翁乃曉之曰。戎馬倥傯之際。傳聞何足深信。卽使果有此事。亦當留汝之身後。日可以收拾李家骸骨。併須設法報此不共之仇。何得效匹夫匹婦。輕輕之見我老矣。無能爲矣。汝當運謀決策。助汝兩兄保護全家。併爲李家復仇。然後從容就義。未爲晚也。女揮涕從之。遂選得精細之莊丁。扮作鄉農。之賣菜蔬者。至牛排嶺。攔聽知孝廉家被洪軍圍燒時。孝廉之次幼二子。幸未返家。得免於禍。但終爲洪軍所獲。因未知其爲孝廉之子。得留生命。防守極嚴。鬼脫非易。莊丁歸報。慧姑乃謂父兄曰。敵人銳氣方張。斷難力取。必須設一奇計。生致賊酋。庶可與之互相調換也。會向提督援兵。至前鋒爲候補府劉繼祖。距新墟不過數里。袁之次子。卽欲往迎。向軍爲克復牛排嶺之計。慧姑曰。不可。今卽悉銳往攻。勝負亦屬難必。縱幸而獲勝。或恐玉石俱焚。不若用誘敵之法。一面通知向軍。乞其救援。庶可集事也。袁翁從慧姑計。遣其次子。往迎劉繼祖。且犒師。復告以誘敵之計。乞爲救援。劉許之。袁之長子率領莊丁。於路口挖掘陷坑。蓋以竹簾。復以泥土鋪其上。乃多積牛酒錢米等物。聲稱將犒勞洪軍。時洪軍主將陳亞

卷下 從軍速記

四

知聞之大喜。往受犒物。中計被擒。哀翁方欲以陳亞知易李姓二子。而劉知府亟欲報功。遽派員弁丁勇立提陳亞知解往提督大營。復乘虛襲入牛排嶺。李姓二子併死於亂軍中。慧姑見其計雖行而已。所期望者終成畫餅。且李姓二子雖均被擄。然尚有生還之望。乃因誘擒賊酋向軍得以乘虛襲入二子。遂併膏斧鉞。我雖不殺伯仁。伯仁由我而死。弄巧成拙。憤恨填胸。遂仰藥自盡。吁可哀也已。

梁士超

粵西省垣之被圍焉。各路援師雲集。益以城鄉紳民之團練。共計不下三萬。而鄒撫軍鳴鶴一意主守。惟督飭乘城士卒。日夜擊刁斗。舉烽燧以防衝突。并飭令駐札城外之援軍。堅壁自守。毋得擅自輕進。自咸豐二年二月杪起。被圍計三十三日。城內外各兵從未接仗。鄒撫奏報一月之間。水陸二十四戰。陣殺俘獲無數。皆張虛捷也。時副都統烏蘭泰。追踪至省。於三月杪抵西南之文昌門外。營於象鼻山麓。督兵進戰。至將軍橋遇伏。烏都統中鎗彈。創劇甚。遂昇至陽朔治創。時都統幕府有舉人梁士超。命軍士乘黑夜潛上象鼻山。束草糊紙。加以彩繪。如關帝像。左右列周倉關平二像。並於山谷間滿綴紅燈。梁孝廉復身先士卒。於夜半時襲入敵營。洪軍正欲整備。抵禦忽見山上燈火大熾。倉卒間見關帝於火光中手執旗幟。臨風招展。作指麾進戰狀。皆大駭。棄壘狂奔。城內外各兵見之。亦都疑爲神助。奮呼夾擊。洪軍大潰。遂於四月朔解桂林之圍。鄒撫卽以關帝顯靈奏聞。梁孝廉聞之。乃命軍士將草束紙糊之神像。昇至撫署。鄒撫始知係梁所用之計。惟以章奏已出。不可收回。而關帝遂得以冒。

保城破敵之功也。未幾梁孝廉以衝鋒陷陣。歿於全州之役。此係周昌宗所目擊。蓋桂林之圍。周亦身與其役也。

張茂才

咸豐二年四月。洪軍破桂林府屬之興安縣。時城中廬將軍巷。有張茂才。述者忘其名。家有老母。及一妻一子。纔週歲。茂才適因事赴鄰郡。未返。洪軍將至。妻王氏年二十一歲。恐遭污辱。急圖自盡。茂才之母止之曰。汝若死。此呱呱者何人乳哺。余老矣。將畢命於此。汝其懷此兒。速去避匿。毋顧我言。畢即入房。閉其戶。正欲自縊。忽聞其媳在外呼曰。吾夫歸矣。婆婆速出。汝子已入門矣。張母正在繫帶。聞其子歸。來復啓戶出視。且言曰。如此擾亂之世。汝何以安然得歸故里。比出戶。則見其媳方置兒地上。簪身入井。始知爲其媳所騙。斯時門外有剝啄聲甚厲。疑是洪軍。張母急懷幼孫。自後戶出。匿於鄰近破廟後叢柢之間。得免。洪軍入城。知縣以下。皆棄城先走。僅一空城。無所得。遂於翌日北趨全州。張母探知洪軍已去。乃懷幼孫歸。及抵家。方悼惜其媳之投井而死。更憐幼孫之失乳。對井大號。忽見牆角有人自柴堆中探出。視之。乃其媳也。正疑駭。間復有人推門而入。即其子茂才也。於是相抱痛哭。尋詢悉茂才在鄰郡聞省垣被圍。恐及興安。遂星夜趕回。先洪軍入城。及抵門。屢扣不應。遂由後戶繞入。不見一人。聞井中砵然有聲。疑是母妻均已投井。俯而視之。其妻方自水底冒起。茂才急以汲水之綆投入。始得援救。既出井。即令藏於柴堆中。茂才復乘夜出外尋其母。遍覓不獲。至是知洪軍遠去。始歸。一家復得團叙云。

武顯昌

湖南、寶慶、協都司武顯昌奉調援粵西省城。率領楚兵四百人。於咸豐二年四月十一日。過全州。洪軍已合圍攻州城。內外隔絕。時全州北鄉舉辦鄉團。紳士陳垚要請武都司突圍入城。商訂內外夾攻之期。都司奮然應許。而所帶楚兵。以衆寡不敵。不肯行。都司再四激厲。終有難色。乃與陳垚密議。非以計激之。不可。於是各鄉紳士。共以酒肉享楚軍。酒酣。陳垚起告都司曰。我等之所以要請將軍突圍入城者。原爲合城生靈計也。惟麾下兵力太薄。亦不當強人所難。我鄉有徐孝子廟。頗著靈異。盍往一禱。以覘此行之成敗。都司曰。可。酒罷。遂率衆同詣孝子廟。焚香拜祝畢。陳垚以青蚨二十枚獻於都司曰。我鄉人至廟祈禱者。均以此錢擲於桌上。視正面背面之多少。以定吉凶。將軍盍一試之。都司接錢在手。復向神像再拜。高聲祝曰。顯昌欲於今夜領兵突入城中。以通內外消息。惟不知吉凶。如何敢請神靈明示其兆。如果大吉。則此錢當得多數。正面遂舉錢擲於神座前。桌上衆視之。盡是正面。無一背面者。衆皆踴躍歡呼。臚拜於殿上。陳垚曰。既得神助。將軍此行必成大功。請以此錢釘於桌上。庶幾楚軍之豐功偉績。可以永傳不朽。言畢。即以釘釘之。至天將破曉。都司率其屬下向北城根突入。人人奮勇爭先。洪軍不能阻遏。遂入州城。與刺史曹燮培訂定師期。留二百人在城助守。都司率二百人突圍而出。竟無一人傷者。洪軍亦恐鄉團之襲其後。悉力攻城。未及期而城先破。曹刺史殉難在城之楚軍皆奮勇奮關而出。回至徐孝子廟中有黠者將桌上所釘之錢拔起。則兩面皆正。始知武都司與陳紳所定之計。藉以激發士心。而此四百楚兵。竟得全軍返楚。如都司者可謂善於用計者矣。

顏姓子

洪軍之攻興安縣者爲韋正。既破城，俘擄中有一顏姓子，年十八，兩目異於常人，黑夜不需燈火，能作蠅頭細字，復能以繡花針數十支於暗室中，以頭髮貫穿，屢試皆然。韋正大異之，撫爲己子。顏姓子性又純孝，因思念其父母，日夜哭泣，一月餘，淚滴不乾，而兩目遂盲。韋正多方撫慰，終不止，不半載竟憂鬱成病而歿。韋正頗痛惜之。

曹昌奇

湖南之道州與粵西毘連。洪軍自粵之全州直趨道州，署知州王揆一見州城無兵，棄城先走。咸豐二年五月，洪軍至，遂不血刃而取道州。有湖南人曹昌奇者，世居道州城中，分發粵西爲候補縣丞，聞道州已破，念父母妻孥皆在州城，恐遭慘禍，乃自請於撫憲赴湖南邊界刺探軍事。比至州，扮作縫工入城。洪軍之司城門者給以腰牌一面，遂得間行至其家，見一家皆無恙。蓋以道州並未守禦，洪軍唾手而得，故不加殺戮。曹之家屬衆多，而腰牌僅有一面，不能挈之而出。因洪軍定例，非有腰牌不得出城，故也。曹自念奉委刺探軍事，今已過限，若逕回粵西，必致獲譴。因探得當時守城之洪軍不過五六百人，餘皆分攻江華縣、永明縣，並直趨桂陽州之嘉禾縣。曹復探悉湖南臬司勞崇光方駐營離道州數十里之五里亭，乃出城赴臬司營報告，復引導大隊兵至城下，守城者都係老弱脅從，兵力極薄。遂於六月二十五日收復道州，而曹以收復州城之功奏升知縣矣。

江孝廉

卷下 從軍速記

八

粵西武孝廉江學海。世居全州北鄉之楊家灣。洪軍圍全州時。各鄉均設立團練。因兵力薄弱。不足以解州城之圍。衆議派江孝廉就近赴湖南。來請救援。及自楚返。全州城已破。鄉團亦皆潰散。而江孝廉之父母。均被洪軍擄去。時洪軍逕趨楚之道州。江孝廉逆知其父母必在道州。遂挺身至道。投入洪軍。孝廉之父。時爲洪軍牧馬。其母則在主將署內司烹飪之職。孝廉逕以實情白主將。並請迎還父母。主將憐其孝。許之。咸豐二年六月杪。湖南臬司勞崇光督師謀復道州。孝廉先開城迎降。遂復道州。勞臬司欲叙其功。孝廉力辭。乃奉其父母歸全州。

獨眼孝子

嘉應黎振耀者。素業商。家頗富有。幼時以病損其一目。鄉里皆呼爲黎獨眼。事父母極孝。父病羸。振耀晝夜侍養。親奉湯藥。數年如一日。且恭儉下人。以故人皆重之。會金田事起。各處搜捕甚急。振耀之父。素與吏役金貴有隙。因誣振耀父潛通洪軍。時署嘉應者爲吳桂馨。性既貪。而又殘酷。且誣黎氏多財。遂捕而置之獄。振耀父被捕之先。振耀方遠販於外。聞報馳歸。則其父已斃於獄中矣。振耀悲憤交集。遂攜臂於市曰。有欲殺貧官者。其從我來。市人應聲從者甚衆。於是入署殺吳桂馨及吏役金貴。遂散其家財於衆。奉老母以投洪軍。爲前鋒。所過城邑。遇有貪官酷吏。振耀必手刃之。積功授十三檢點。每有調遣。輒奉其母偕行。遇接仗。必先藏匿其母。然後臨陣。洪軍知之者。復以獨眼孝子稱之。至咸豐四年。黎母以老病歿於蒲圻城中。振耀大哭曰。我所以殺官吏當長毛者。一時洪軍中人皆自稱當長毛。爲報父仇。奉老母耳。今老母已棄。養我何。以生爲。是年七月。洪軍水路自道陵磯。

起旋欲襲岳州。行至中途。與湖南團練之水師相遇。洪軍大敗。船艘擊沉無數。衆皆轉捩而奔。振耀獨挺刃接戰不少。却左右皆勸令急退。振耀揮令別乘小舟走。曰：「君等且去。我不願生也。」復獨自力戰。卒中火箭墜水而死。洪軍中知之者咸爲泣下。

李祖德

李祖德。湖南長沙富家子也。性任俠。好賓客。與同里張士超最相契合。及洪軍趨湖南省城。聲勢頗壯。祖德謂士超曰：「洪軍自起義以來。粵楚響應。人心悅服。今日時勢正我輩顯名建績之秋也。公亦有心。人盡與僕投身洪軍。共建一番新事業乎？」士超辭以母老。且曰：「公勿爲所惑。若輩之志不過在婦女貨寶焉。能成大事。祖德強之士超乃曰：「須稟明老母。來日再議。」明日。瞰其戶。則已盡室皆行矣。祖德乃與賓客門下。并輦其家財。投入洪軍。及咸豐二年十一月。洪軍攻岳州城。祖德與焉。既破岳州。祖德復與部下數百人。安撫四鄉。至白沙井。爲鄉團所襲。從者幾殲。過湘靈橋。只有一十八騎。鄉團追之急。乃奔至妙高峯頂。入某寺。寺僧笑指佛廚。謂祖德曰：「盡藏於是。」祖德急從之。僧復散匿。其從人於他所及鄉團至。覓之不得。遂去。寺僧乃喚衆人出。祖德方欲致謝。僧忽笑謂祖德曰：「李君還識我否？」因細審之。曰：「子非我故人張君士超乎？」張曰：「然向者君言欲共建事業。今僅數百鄉團。幾爲所斃。當速思。僕言否則禍不旋踵矣。」祖德曰：「誠如子言。我悟矣。」因願從者曰：「公等皆去。我亦不復返矣。」遂隨士超隱於妙高峯後。不知所終。

秦愛姑

戴祖良者。龍州之訓蒙師也。與其鄰秦姓之女。愛姑。有嚬臂盟。願貧富相殊。是以求鳳之願。尚未償也。後祖良徙館於永康州。從此天各一方。音問遂絕。道光三十年八月。洪軍破永康州。祖良遂被擄。時洪軍正少書手。得之甚喜。因使治理文書。及軍牘。洪軍主將魯振遠。頗信任之一日。振遠設席宴祖良。酒酣。振遠謂之曰。昨予得一女子。頗儷。強是能守貞節者。予甚敬之。聞公尚未有室。予願爲媒。灼祖良固辭。振遠不聽。遂令僕婦擁一女子出。女子且哭且罵。祖良諦視之。蓋卽日夜縈心之秦愛姑也。乃曰。是我之妹。何爲而至此。因辭振遠。挈愛姑入己帳。愛姑具道。祖父失散。及被難始末。且勸祖良曰。凡能成大事者。必得民心。今此軍日事剽掠。兼肆殘殺。民心何由而得。若不早行。後君噬臍。祖良從之。乃與愛姑乘夜遁至鄉隅。仍以授徒餬口。及事平。祖良深服愛姑。有遠見。乃相與歸里。而愛姑之父。已先日歸家矣。相見之餘。皆破涕爲笑。時祖良無家。而愛姑初無兄弟。遂贅焉。

胡萬全

農民胡萬全者。湖南人也。以失業食糧。隸提督余萬青麾下。咸豐二年四月。洪軍自全州入楚界。湖廣總督程潛采檄余提前赴道州堵截。余卽率師赴道。夜駐營於零陵縣之雙排嶺。未幾。洪軍大至。環而攻之。時余提方立於營外。胡萬全侍立其側。忽一彈。礮然來。胡駭絕。急欲返身奔適觸余提。共倒於地。胡仆於余提身上。彈自胡之背上擦過。衣已灼焦。肌膚亦受微傷。左右將余提扶起。余大怒。欲殺胡。胡乃袒而示之。背曰。我實以救將軍。將軍奈

何欲殺我。余提視之。遂喜。謝因升爲中營把總。乃拔營至州城內。後偵知洪軍大隊逼近。復率全軍退至衡州。而道州遂破。後數月。胡萬全卒。中火。箭死。

洪大全

洪大全。本世家子也。父母早歿。家財鉅富。少聰穎。讀書過目成誦。稍長。卽工詩詞。性豪放。不羈。喜飲酒。不論販夫走卒。流丐偷竊。有善飲者。卽要之共飲。把盞暢談。促膝對酌。歡者平生酒罷。必贊助之。且極豐厚。或座中有顯貴者。輒作劉四之罵人酒。酣耳熱時。或引吭高歌。時或仰天長嘯。居恆睥睨一切。視世界上竟無一當意者。每有所觸。常託諸吟咏。旣脫稿。卽以火焚之。無一留者。同里有張姓紳宦。曾任湖南衡永郴桂道。時以年老告歸家居。值八旬壽誕。設盛筵以享客。當道及各紳富戚集焉。洪先遣人賀以厚禮。值數百金。張官大喜。立遣僕從請洪赴宴。洪乃挈其素日同飲諸人偕往。皆短褐敝履。見踵露肘及門。閤者納洪而揮諸人於門外。洪厲聲叱之。遂挾以俱入。登堂一揖。卽指同飲諸人曰。此皆我之至友也。刻承主人招飲。不敢違命。然非得此數人伴飲。不足以盡歡。恐負主人盛意。故與之俱來。祈恕叨擾。言畢。卽揮令諸人入席。洪亦同席而坐。暢飲歡呼。聲震屋宇。時賓客滿堂。咸衣冠濟濟。見洪無不詫異。主人更嚤不能聲。洪與諸人盡醉而罷。踉蹌而出。張官深惡之。而無如何也。及金田事起。洪悉以家財助軍。食至桂林。被擒。後於路所作詩詞。更盈箱滿篋。旣解至京師。於行刑之前一日。悉付之一炬。及受刑時。猶口誦司空表聖句云。漢兒盡作胡兒語。爭向城頭罵漢人。遂怡然就戮。毫無懼色。

大頭檢點

章營檢點王大頭名欣昌輝部下之驍將也。其頭顱之大較常人殆逾數倍。故軍中皆稱爲大頭。檢點或卽以王大頭呼之。大頭有殊力勇悍善戰。且有膽識。每接仗之先常手執長矛匹馬衝入敵陣。馳至敵軍陣後相度。一遇始疾馳回陣接仗數十次。從未受有巨創。既破湖南之江華縣。大頭營乘馬出江華之北門門中懸有一巨木大頭自下乘以兩手攀木兩足力勾所乘之馬。人馬俱起懸於空際片時始下。人皆服其神勇。大頭亦常以此自炫。至長沙聞塔都司亦以驍勇著名。大頭數挑戰初無勝負。一日與塔都司約不乘馬不用器械徒手奮鬪。兩營軍士均不得助陣。必俟互分勝負而後已。至期兩人互相搏擊。自辰至午未分優劣。午餐稍息繼復很鬪。至日斜時塔都司力漸不支。塔軍中有一親兵疾趨而前舉鎗向大頭轟擊。遂中彈而斃。塔都司將王之大頭斫下權之重十四斤有奇。古有旁風氏骨節專車王大頭其旁風氏之苗裔歟。

畢三叉

畢三叉者秦日綱之愛將也。慍鷲善戰性凶暴嗜殺。每破城奪邑輒大肆屠戮。所過之處居民無得幸免者。尤喜將襁保小兒。置於矛首觀其展轉哀啼以爲笑樂。好飲酒每值酒酣常將攜獲之小兒一一貫之矛首藉爲侑酒之物。然極懼內。妻丁氏貌僅中人。性尤躁暴蕩逸不羈喜與帳下健兒調笑戲謔而獨嚴束其夫。稍不遵依便叱令長跪。恒於衆軍士前羞辱之。三叉不敢違忤。一日三叉在帳中飲酒方令部下刺一小兒於矛首其妻忽自帳

後趨出，摔三叉髮以鐵杵猛擊之，折其齒，血流被面。三叉雖痛極，惟以兩手掩其口，不敢擺脫。俟其妻怒氣稍息，將打折之齒從地上拾起，復問見責之故。乃知初無他事，丁氏因在帳後獨坐悶甚，聞三叉又在帳前暢飲歡笑，頓觸其怒，故大發獅威。後三叉於武昌城外之洪山下，爲向軍所殺，丁氏亦死於亂軍中。

顧生

湖南永明縣有顧生，浩然字養全，豪放不羈之士也。有文名家，貧性嗜酒，不治家產，以故益落窶。然生常自負，目空一世，遇親友宴會，賓客滿堂，酒酣興到，輒以箸擊杯，盡高歌慷慨，旁若無人。時或踴躍城市，引吭朗誦諸大家文人多目爲狂生，生亦不之顧也。會永明新令常連初到任，亦名士也。耳生名，乃率驍從造其廬，時生已大醉，聞縣令來謁，踉蹌而出，口中猶朗誦不已。一揖就坐，即嘔吐滿地。隸役皆掩鼻走。縣令不禁廢然歎曰：「其狂真不可及也。」然愛生之才，頗加器重，復憐其貧，時時資以膏火之費。及二年八月，洪軍至永明，城中無兵，不能守。幕僚吏役走避一空。縣令方欲投池自盡，忽有自後牽其衣者，急回顧，則顧生也。令愕然曰：「君何不避兵而復淹留城中？」生曰：「特來邀君耳。」令曰：「我有守土之責，此一泓清水，正我葬身之所，君何爲阻止？」生笑曰：「癡哉！君也。君爲何人？效死非卽數世以前殺戮我祖宗慘屠我城邑者之子孫乎？不能復仇，斯亦已耳。君奈何欲爲之效死乎？盍去休！」令曰：「君欲我投入長毛乎？」生曰：「鼠輩何能成事？徒多殺百姓，烏可以託足？」令曰：「然則將何往？」曰：「今日楚中無一片乾淨土，必得山深林密之處始可棲止。乃強挈之出城，同入山中，莫知所終。」

楊二姑

楊二姑者。輔王楊輔清之妹也。勇敢果決。勝於男子。夫江得勝。爲輔清部下都指揮。亦甚驍勇。每遇戰陣。二姑輒以黃巾裹首。繫大紅戰裙。與其夫並轡而出。衝鋒陷陣。人莫能敵。又能於馬上擲刀刺人。百發百中。中者無不立倒。刀長七寸。鋒厲無比。每臨陣。胸前一草囊。囊中橐橐者。皆利刃也。自稱爲飛刀神手。且粗知文墨。江本武夫。目不識丁。以其妻能文墨。一切簿書。皆委任其妻。余嘗於周昌宗處。見一安民告示。甚堪噴飯。據昌宗云。卽出楊二姑之手。爰照錄之。開造王勳。右輔總裁。頂天扶朝綱。輔王威千歲。楊殿下。都指揮江。爲封刀安民。不可恐怕逃亡。天兵到者。一天二天。洗城殺盡妖魔。止除天父天兄。暫息雷霆之怒。今日天兵到者。到有兩天。妖魔殺盡。天父天兄。不殺百姓。看顧小子。今日封刀安民。就此不許殺人。不聽我言。強搶硬買。殺百姓。打先鋒。斬首號令。不可恐怕逃亡。大家投降。信天父天兄聖教。大膽做生意。不許變妖。看看斬首號令。禱告天父。急急特示。昌宗又云。二姑自命通才。所以營中不留文士。凡被擄之人。知有通文墨者。二姑輒命殺之。是亦文人之浩劫也。

丐女

凌生。楚北人。世居漢鎮。富於材藝。尤工書畫。而厄於境遇。家中僅一老父。久病不能興。飲食溲溺。皆需生侍奉。以故不能稍離。惟日作書畫於門前求售。以自給。生自奉極儉。偶有留餘。輒以供其父醫藥之費。初有一婦人。挈一女子。在街頭往來求乞。生因憐其同病。稍稍周給之。後詢知爲皖北人。亦係凌姓。其夫亦文士。早卒。僅生一女。值

大水田廬盡沖沒。無從得食。因偕其里人逃荒。至贛省。復轉徙至鎮。不得已沿門求食。以圖苟延旦夕。生益憐之。遂自節食。以餘餽給母女。是年冬。苦寒。母女露宿。幾致僵凍。生復延納之。俾寄居閒舍。並藉以菓草。以作禦寒之計。至來春二月。母女於途中。值其里人。將謀回皖。遂偕以俱去。生復稍有所貲。贈後生。亦不置意也。閱數年。洪軍至湖北武昌。漢陽鎮相繼而下。人皆避兵他徙。生以父老且病。不能奔避。遂被獲。繫於濱江大樹下。將就戮。自思死生有命。不足懼。惟念老父暮年。尙遭慘劫。即未被擄。亦將餓斃。心痛甚。不禁放聲大哭。適有洪軍多人。擁一乘輿。過其前。聞生哭聲。輿中人立命停輿。飭人問生以姓名。生具告之。並視與中乃一嬌好女子也。問者反命。與中女子不知作何語。即見有人趨至生前。立解其縛。生不解所以。然知其無惡意。俟輿已去遠。乃詢諸解縛者曰。與中乃曾指揮之夫人也。生更不解。惟心繫老父。亟欲回家。從人復請生少待。未幾。有一空輿。至。即請生乘坐。至一巨宅。直入內堂。始請下輿。生正欲詢問。忽見輿中女子自屏後轉出。後隨侍婢僕婦數十人。女子向生呼曰。叔父。想煞姪女也。言畢。即盈盈下拜。生驟聞稱謂。不知所措。自念生平。初無兄弟。何來姪女。疑駭交作。遂忘答禮。及女子拜畢。起立。審視之。乃即丐女也。蓋寄宿生家時。生以其同宗。常呼爲姪女。而嫂其母。惟以日久忘之矣。生乃大喜。急曰。姪女速救我父。惟此時。老父不知尙留人間否。言已。淚隨聲下。女曰。叔父勿憂。姪女已接得老人來此矣。姪女初至武昌。即思見叔父。又恐部下人至鎮肆擾。致叔父受恐。故即渡江。幸即與叔父相值。而叔父已飽受驚恐矣。姪女復至叔父家中。親接老人至此。因指堂後左側一室曰。老人即在此室中。生不待其祠畢。疾趨入室。